

影印
文淵閣

四庫全書

影印

文淵閣四庫全書

第九六五冊

北京出版集團公司
北京出版社

本冊目次

欽定四庫全書

史部

天中記(二)

附周天大象賦

明 陳耀文撰
漢 張衡撰

一

欽定四庫全書

子部

天中記卷一

詳校官中書臣李彤

主事臣祁韻士覆勘

總校官候補中允臣王燕緒

校對官編修臣王天祿

謄錄監生臣葉世偉

欽定四庫全書

子部十一

天中記

類書類

提要

臣等謹案天中記六十卷明陳耀文撰耀文學問該博所著有學圃堂蘇正楊集諸書皆別著於錄此編見明史藝文志者六十卷今世傳刻本止五十卷不加標目蓋當時初刊未定之本此本共六十卷目次與明史相合則其完書也明人類書所列舊籍大都沒其出處至於憑臆增損無可徵信此書援引繁富而皆能一一著所由來於體裁較善惟所著書名或在條首或在條末為例未免不純又如愆陽伏陰語出春秋左氏傳而引漢書五行志為據則事始不的又第一卷內篇目已畢而復綴以張衡大象賦一篇則編次失倫此類亦往往疎於檢點然其自九流志緯

欽定四庫全書

天中記
提要

以述僻典遺聞廣事蒐羅實可為博聞多識
之助且每條下間附案語如玉篇廣韻之解
誕字為生水經注之以苗茨堂為茅茨堂世
說注以錢唐為錢塘唐逸史之紀孫思邈年
代舛錯新唐書之載安祿山死日乖互皆為
抉摘其失其向來類家之相沿訛謬者如合
璧事類以狄兼謩為魏謩錦繡萬花谷以浮
圖泓為一行事文類聚以劉溉為劉澥萬卷
菁華以晉建元元年為漢武帝孔氏六帖以
三陽宮為道署宮凡若此者於隸事之中無
資考據其典核尤諸家所未及范守已著曲
洧新聞以是書鶴門無浮丘翁王子晉丁令
威徐亞卿四事浦門無青浦黃浦等水頗譏
其漏不知卷帙既富徵事偶疎原所不保至
於川名澤號更僕難窮又安可以一二小水
失於登載遽訾其採摭之不廣乎其稱天中

記者以耀文所居近天中山故也乾隆四十
二年十月恭校上

總纂官_臣紀昀_臣陸錫熊_臣孫士毅
總校官_臣陸費墀

欽定四庫全書

天中記卷一

明 陳耀文 撰

天

五號尚書說云天有五號尊而君之則曰皇天元氣廣

大則稱昊天仁覆愍下則稱昊天自天監下則稱上天

據遠視之蒼蒼然則稱蒼天周禮疏

四名爾雅曰春為蒼天夏為昊天秋為昊天冬為上天

欽定四庫全書

天中記

李巡注曰春萬物始生其色蒼蒼故曰蒼天夏萬物壯

盛其氣昊昊故曰昊天秋萬物成熟皆有文章故曰昊天

是文也冬陰氣在上萬物伏藏故曰上天

太清聖人之德上及太清下及太寧中及萬靈則景星

光潤膏露下朱草生醴泉出鵲冠子

人之始天者人之始也父母者人之本也人窮則反本

故勞苦倦極未嘗不呼天也疾痛慘怛未嘗不呼父母

也史記屈原傳

羣陽之精天羣陽之精合為太乙分為殊名春秋說題辭

萬物之祖天地者元氣之所生萬物之祖也禮董仲舒

曰天者羣物之祖也故偏覆包涵而無所殊建日月風

雨以和之經陰陽寒暑以成之本傳

大高饗大高者而彙為上牲淮南子昭事上高陳書世祖語

羣神之精天者羣神之精日月星辰其著位也鄭玄周禮注

青冥楚詞據青冥而攄虹注青冥天也言青雲杳冥

泰元惟泰元尊媪神蕃釐注泰元天也媪神地也漢書

欽定四庫全書

天中記

上玄祈福乎上玄思所以為虔平子東京賦

太皓即顓上事曰除灾昭祉順天致和斥黜酷害以安

黎元則太皓悅和雷聲乃發注太皓天也後漢本傳

靈曜蔡伯喈陳太邱碑文云稟岳瀆之精苞靈曜之純

注云靈曜謂天也尚書緯有考靈曜按張衡靈憲渾天

儀云夫覆載之根莫先於元氣靈曜之本分氣成元象

百神主天百神主也道德仁義天之道也戰栗恐懼天

之心也廢道滅德賤天之道嶮隘恣睢恃人之意論衡辨崇

羣生大仰天者旋也均也積陽純剛其體迴旋羣生之所大仰又曰所以立天地者水也成天地者氣也水土之氣升而為天

楊泉物
理論

大圓文選東晉補亡詩曰恢恢大圓茫茫九壤呂向註曰大圓天也按呂氏春秋云大圓在上大矩在下管子曰人能靜正適能戴大圓而履大方

上靈文選顏延年曲水詩序云思對上靈之心以惠庶萌之願劉良注云上靈天也按曹子建魏文帝誄云上

欽定四庫全書

天中記
卷一

三

靈降瑞黃初攸祐宋志晉傅玄郊祀歌云我其夙夜祇事上靈南齊書宋謝莊登歌辭云昭事先聖懷濡上靈又云肇禪配祀克對上靈太后廢海陵王令上靈所以瞻命億兆所以歸懷梁書武帝授禪詔云寅畏上靈用膺景業魏書彭城王勰傳云上靈無鑒聖躬違和源子恭上書云郊天享帝蓋以對越上靈高閭至德頌曰上靈降鑒思皇反正乃眷有魏配天承命沮渠蒙遜表云上靈降祐祚歸有道靈徵志羣臣表云上靈垂顧徵善

備集北齊書高洋授禪詔云上靈厭德允歸大命北史王邵傳帝通紀云叶靈皇者言大隋德合上靈隋書樂志云上靈鍾百福羣神歸萬年

圓儀宋志祖冲之表曰夫陽爻初九氣始正北玄武七列虛當子位若圓儀辨方以日為主冬至所舍當在玄枵而今之南極乃處東維

圓靈謝莊月賦云柔祇雪凝圓靈水鏡李善曰柔祇地也圓靈天也

欽定四庫全書

天中記
卷一

四

圓精顏延年文元后哀策文云圓精初爍方祇始凝濟曰圓精天也舊唐書郭子儀肅宗吳皇后祔廟表云圓精挺質方祇稟秀

蒼靈僧巖荅劉善明云蒼靈之年指麾成務此自蒼靈特授假手成功

弘明
集

周武帝誅宇文護追尊孝閔詔曰

上協蒼靈之慶下昭后祇之錫

周
書

玄儀北齊書詔曰上叶玄儀下符川嶽

百神之君玄宗未行親郊之禮張九齡上疏曰天者百

神之君而王者之所由受命也自古繼統之主必有郊祀之儀蓋以敬天命以報所受舊唐書

人之始祖黎幹郊祭難曰萬物之始天也人之始祖也

新唐書本傳
舊禮儀志

地蓋星衛王彪天賦云溥為地蓋浩作星衛清異錄

顯穹司馬相如封禪書伊上古之初肇自顯穹生民師

古曰顯穹皆謂天也顯言氣顯汗也穹言形穹隆也

顯蒼班固賓戲奮靈德合風雲超忽荒而踈顯蒼師古

欽定四庫全書

天中記
卷一

五

曰顯顯天也元氣顯汗故曰顯天其色蒼蒼故曰蒼天

昊乾馬融廣成頌貳造化于后土參神施于昊乾後漢書

九蒼阮籍與伏羲書云夫九蒼之高迅羽不能尋其巔

四溟之深幽鱗不能測其底王簡棲頭陀寺碑仰蒼蒼

之色者不足知其遠近莊子曰天之蒼蒼其正色耶其

遠而無所至極耶

九野呂氏春秋云天有九野中央鈞天東方蒼天東北

昊天北方玄天西北幽天西方旻天西南朱天南方炎

天東南陽天又廣雅九天東方皞天南方赤天西方成

天餘同又太玄經九天一中天二義天三從天四更天

五晬天六廓天七減天八沈天九成天

六氣左傳曰天有六氣降生五味杜預注曰六氣謂陰

陽風雨晦明

九關招魂曰君無上天些虎豹九關啄害下人些王逸

曰天門九重使神虎豹執其開閉啄欲土之人而殺之

八柱天問云八柱何當東南何虧注曰言天有八山為

欽定四庫全書

天中記
卷一

六

柱皆何當值東南不足誰虧缺之也楚辭

九重天問云圜則九重孰營度之注曰言天圜而九重

誰營度而知之乎楚辭

九乾崔駰達旨云仰探遠乎九乾注九重也後漢書

八維東方朔七諫云引八維以自道兮含沆瀣以長生

注天有八維以為綱紀也管子曰天或維之地或戴之

莫之維天已墜矣況於人乎

九靈王褒九懷云登九靈兮遊神注想登九天放精神

也

九陔漢書樂志專精屬意逝九陔注陔重也謂九天之上也相如封禪書云大漢德上暢九垓下沛八埏廣雅云九天之際曰九垓九天之外次曰九陔注云垓垓也陔階也言階次有九淮南曰若士謂盧敖吾與汗漫期乎九垓之上

七衡孝經援神契云周天七衡六間注天有七衡而云間者從內衡以至中衡中衡以至外衡相去合十一萬

欽定四庫全書

天中記
卷一

七

七千里

九閼揚雄解難云翠蚪絳螭不階浮雲翼疾風則不能

騰九閼注九閼九天之門漢書

十端天有十端天地陽陰水土人金木火凡十端天亦

有喜怒哀樂與人相副以類合之天人一也春秋繁露

九霄魏張淵觀象賦云陟秀峰以遐眺望靈象於九霄

注九霄九天也道書云九霄謂神霄青霄碧霄丹霄景

霄玉霄琅霄紫霄太霄楚辭載赤霄而臨太清

四表二十八宿之外各有萬五千里是為四遊之極謂之四表考靈曜天有四表以布精魄地有四瀆以出圖書

圖河天有四表三道四表者房星也三道者房間三道南

間為上道中央為中道北間為下道也天鏡經

四和三禮義宗天有四和崑崙之四方其氣和暖謂之

和天道左轉一日一夜轉過一度日月左行於天而轉

一日一夜而於四和周麟云天地四極四和注謂四和

者謂之極子午卯酉得東西南北之中

欽定四庫全書

天中記
卷一

八

三變漢天文志天運三十歲一小變百年中變五百年

大變三大變一紀三紀而大備

九位天有九位地有九域天有三辰地有三形靈顯

八紀天有精地有形天有八紀地有五里故能為萬物

之父母素問

鍊石補闕列子云天地亦物也物有不足故昔者女媧

氏鍊五色石以補其闕斷鼈之足以立四極淮南子云

往古之時四極廢九州裂天不兼覆地不周載火熾炎

而不滅水浩洋而不息於是女媧氏鍊五色石以補蒼天斷鼇足以立四極殺黑龍以濟冀州積蘆灰以止淫水

天柱共工與顓頊爭為帝怒而觸不周之山折天柱絕地維故天傾西北日月星辰就焉地不滿東南故百川水潦歸焉列子唐勒大言賦云壯士憤兮絕天維北斗戾兮太山夷

天宮好道者言黃帝乘龍升雲登朝霞上至列闕倒景

欽定四庫全書

天中記

九

經過天宮天體如車有益日月懸著何可上哉

皇覽家

與唐叔虞母夢天謂武王曰余命汝生子名虞余與之

唐及生子有文在手曰虞因命之

史記

授楚公孫歸父會楚子于宋宋人告急于晉晉侯欲救之伯宗曰不可天方授楚未可與爭雖晉之彊能違天

乎左傳

仰視齊桓公曰王者何貴管仲曰貴天桓公仰視管仲曰所謂天者非蒼蒼莽莽之天也居人上者以百姓為

天說

夢壓初穆子去叔孫氏適齊娶於國氏生孟丙仲壬夢天壓己弗勝顧見人黑面而上樓深目而猥喙號之曰

牛助余乃勝之左傳

天醉西京賦云昔者天帝悅秦繆公而觀之饗以鈞天廣樂帝有醉焉乃為金策錫用此土而翦諸鵜首哀江南賦云以鵜首而錫秦天何為而此醉虞喜志林曰諺

曰天帝醉秦暴金誤隕石墜謂秦穆公夢天帝奏鈞天

欽定四庫全書

天中記

十

樂已有此諺李文饒曰昔秦時金策謂之天醉豈天之

常醉哉文選趙簡子疾五日不知人居二日半寤語大夫

曰我之帝所甚樂與百神遊於鈞天廣樂九奏萬舞不

類三代之樂其聲動人心扁鵲告董安于曰昔秦繆公

嘗如此七日而寤告公孫支與子輿曰我之帝所甚樂

所以久者適有學也

史記

杞人憂天杞國有人憂天地崩墜身亡所寄廢寢食者又有憂彼之所憂者因往曉之曰天積氣耳亡處亡氣

若屈伸呼吸終日在天中行止奈何憂崩墜乎其人曰

天果積氣日月星宿不當墜耶曉之者曰日月星宿亦

積氣中之有光耀者只使墜亦不能有所中傷

列子

談天五經通義曰鄒衍大言天事謂之談天劉向別錄

曰騶衍之所言五德始終天地廣大書言天事故曰談

天騶史記云衍迂大而閼辨故齊人頌曰談天衍

夢上天汝南舊有鴻郤陂成帝時翟方進奏毀敗之成

帝夢自上天天帝怒曰何故敗我濯龍淵

後漢許揚傳

欽定四庫全書

天中記
卷一

捫天和熹鄧皇后嘗夢捫天天體蕩蕩正青滑如饅飴

有若鍾乳狀乃仰嗽飲之以訊占夢言堯夢攀天而上

湯夢及天而砥之此皆聖王之前占吉不可言也

後漢書

天頭天耳天足天姓吳使張溫來聘百官皆往餞焉而

秦宓後至問宓曰天有頭乎宓曰有之溫曰在何方也

曰在西方詩云乃眷西顧以此推之頭在西方溫曰天

有耳乎宓曰天處高而聽卑詩云鶴鳴九臯聲聞於天

若其無耳何以聽之溫曰天有足乎宓曰有詩云天步

艱難之子不猶若其無足何以步之溫曰天有姓乎宓

曰有溫曰何姓宓曰姓劉溫曰何以知之宓曰天子姓

劉故以知之溫曰日生於東乎宓曰雖生於東而沒於

西咎問如響應聲而出於是溫大敬服之

蜀志

夢木破天許真君吳猛與郭璞同見王敦敦曰吾昨夜

夢將一木上破天禪代可十全不許君曰此夢固非得

吉木上破天是未字也明公未可妄動晉祚固未衰耳

十二真君傳

張武舉孝廉夢監竿索純曰此未字

前涼錄

欽定四庫全書

天中記
卷一

天公建武元年歲星犯天關庾翼與庾冰書曰歲星犯

天關占云關梁當溢比來江東無他故江道亦不艱難

而石虎頻年閉關不通信使此復是天公憤憤無皂白

之徵也

宋書天文志

擊門陶侃夢生八翼飛而上天見天門九重已登其八

惟一門不得進以翼搏天閤者以杖擊之因墮地折其

左翼及寤左腋猶痛其後都督八州潛有關擬之志每

思折翅之祥自抑而止

晉書

天帝面方一尺晉咸康中有士人周謂者死而復生言
天帝召見引升殿仰視帝面方一尺問左右曰是古張
天帝耶荅云上古天帝久已聖去此近曹明帝也

天門開晉書載記北燕主馮跋嘗夜見天門開神光赫
然燭於庭內北齊書文宣帝高洋從世宗行過遼陽山
獨見天門開餘人無見者孫光祿羊襲吉少見天開其
內雲霞瀕洞樓閣參差光明下照山岳逡巡乃閉王文
公遺事旦幼見天門開中有己姓名四川制置劉雄飛
欽定四庫全書
天中記
卷一
十三

亦見天門開

夢天門開宋薛安都初征關陝至回口夢仰視天見天
門開謂左右曰汝等見天門開不至孝武伐逆踐祚歎
曰夢天門開乃中興之象耶以功封南鄉男

南史

榮光永明中天忽有黃色照地衆莫能解司徒法曹上
金天頌王搢曰是非金天所謂榮光世宗大悅用為永

陽太守

齊書

天中宇梁沈瑀與范雲善齊末嘗就雲宿夢坐屋梁柱

上仰見天中宇曰范氏宅瑀為高祖說之高祖曰雲得
不死此夢可驗

梁瑀書傳

雲亭宮隋萬寶常生而聰穎妙達鍾律常於野中遇十
許異人名至前曰上帝以子天授音律之性使鈞天之
官示玄微之要命坐授之良久俱凌空而去寶常還家
已五日矣自后人間之樂無不精究忽一夕先所遇仙
來降其家曰記得雲亭宮之會乎寶常愕然良久乃悟
他日謂隣人曰吾偶自仙宮謫於人世即將去矣旬日
欽定四庫全書
天中記
卷一
十四

不知所之

仙傳拾遺

白玉樓李賀嘗病見緋衣人駕赤虬童子持一板若太
古篆曰上帝新作白玉樓成召君作記天上差樂賀隨
氣絕

本傳

賀卒後母夢賀曰上帝神仙之君也近遷都月

圓建白瑤宮以某業於詞名與文士數輩共為新宮記
帝又作凝虛殿使某輩纂樂章今為神仙中人甚樂願

夫人無以為念

宣室志
廬外志

五德周世宗觀泗州大水記以問竇儼儼對曰天地有

五德潤暎生成動

玉海紺珠一

手捧韓琦知秦州卧疾數日忽曰過夢以手捧天者再

其後援英宗於藩邸翼神宗於東宮

倦游錄

天象成文龐籍即延安日冬至中夜恍惚間見天象成

文云龐籍後十年作相當以仁佐天子駐視久之方滅

後十年果為相

曲洧舊聞

玉京金闕王素嘗夢至玉京黃金闕殿上有紫服翠冠

者曰吾乃東門侍郎公則西門侍郎昔以奏牘許責于

欽定四庫全書

天中記卷一

十五

世公夢回題詩曰似去華胥國裏來雲霞深處見樓臺

月明冷落雞鳴急驚覺浮生夢一回晚歲思玉京之夢

詩曰碧落中藏白玉京夢魂飛入鳳凰城何時再步雲

霞外皓齒青瞳已許成

古今詩話

上帝圖書之府政和初莆田方朝散某為婺源宰病熱

困卧三日而寤云到一域中有一道士拜曰先生唐人

昔有陰功帝召見于白玉樓蓋李長吉作記處也試大

道無為賦先生有警句云帝鑒竅而喪魄蛇畫足而失

杯帝覽之大喜拜脩文郎專職文章繼命為玉華侍郎

後以恃才為衆所嫉下遷羣玉外監羣玉殿上帝圖書

之府也自是接見稍疏一日帝遊瑤圃召先生先生與

宋道華泛舟池上有人間夫婦之念為使者所劾謫墮

人世不久當返

夷堅志

閭闔離騷云吾令帝閭開關兮倚閭闔而望予淮南子

曰排閭闔淪天門注云閭闔始升天之門也天門上帝

所居紫微宮門也張淵觀象賦曰儼閭闔以洞開注云

欽定四庫全書

天中記卷一

十六

宮牆兩藩正南開如門象者名閭闔門張衡賦曰叫帝

閭使闔扉兮覲天皇於瓊宮

天門河圖括地象曰西北為天門東南為地戶注天不

足西北是天門地不滿東南是地戶漢書樂志天門開

詠蕩蕩注天體堅清之狀也神異經西北大荒中有金

闕高千丈上有明月珠徑三丈光照千里中有金階兩

闕名天門

天路枚乘樂府曰美人在雲端天路隔無期

天關書稱天工人其代之傳曰夫成天地之功者未嘗不蕃昌也由此觀之世主欲無功之人而彊富之則是

與天鬪也而欲久立未之嘗有也潛夫論

天教俗人云先世欲赦常先遣馬分行市里聽於路隅

咸云當赦以知天之教也誠令仁君聞此以為天教而

輒從之誤莫甚焉上

天語高弁蒼蒼遙聞天語徐陵孝義寺碑

張弓天之道其猶張弓乎高者抑之下者舉之有餘者

欽定四庫全書

天中記

損之不足者補之天之道損有餘補不足老子

圓不中規老子曰樸至大者無形狀道至大者無度量

故天圓不中規地方不中矩文子

無端天圓而無端故不得觀其形地方而無涯故莫窺

其門天化遂無形狀地生長無計量文子

清明天道無私是以恒正天常正是以清明申鄭注考

靈曜云天者純陽清明無形聖人則之制璿璣玉衡以

度其象耳

陰陽自極以南天之陽也自極以北天之陰也物理論

清陽積陽為天故天者清陽也黃帝素問

起牽牛河圖括地象云天左動起于牽牛地右動起于

畢尸子云天左舒而起牽牛地右開而起畢昂

不足西北素問曰天不足西北故西北方陰也而人右

耳目不如左明也地不滿東南故東南方陽也而人左

手足不如右強也又曰天不足西北左寒而右涼地不

滿東南右熱而左溫注云中原地形西北高東南下今

欽定四庫全書

天中記

百川滿湊東之滄海則東西南北高下可知

四方之氣東方之氣雷南方之氣電西方之氣虹霓北

方之氣雲雨電霰中央之氣露造化權輿

天吏天使天期天忌四時者天之吏也日月者天之使

也星辰者天之期也虹霓彗星者天之忌也淮南子天文訓

如笠天形穹隆如笠而冒地之表浮元氣之上譬覆奩

以抑水而不流者氣充其中也虞翻窮天論

象蓋說云顓頊造渾天儀黃帝為蓋天皆以天象蓋也

劉氏歷
止問

歌蓋古人言天地之形者有三一曰渾天二曰蓋天三
曰宣夜宣夜之說未嘗聞也後有虞曷作穹天論姚信
作昕天論虞喜作安天論衆形殊象參差其間蓋天之
說又有三體一云天如車蓋遊乎八極之中一云天形
如笠中央高而四邊下一云天如歌車蓋南高北下天文

錄

覆盆天平正與地無異若覆盆之狀論衡說

欽定四庫全書

天中記
卷一

車輪天如車輪終而復始極則復反呂氏春秋靈憲云天以

陽而迴轉地以陰而停輪

雞卵天如雞子地如中黃孤居於天內天大而地小天
表裏有水天各乘氣而立載水而浮周天三百六十五
度四分度之一又中分之則半覆地上半繞地下故二
十八宿半見半隱天轉如車轂之運也渾天儀

蟻磨周髀家云天圓如張蓋地方如碁局天旁轉如推
磨而左行日月右行天左轉故日月實東行而天牽之

以西沒譬之於蟻行磨石之上磨左旋而蟻右去磨疾
而蟻遲故不得不隨磨以左迴焉

天君馬韓諸國邑各以一人主祭天神號天君後四夷傳

以天為兄倭國王以天為兄以日為弟天明時出聽政
跣趺坐日出便停理務曰委為弟北史

天神之名五經通義云天神之大者曰昊天上帝即耀
魄寶也亦曰天皇帝亦曰太一其佐曰五帝東方青

帝威靈仰南方赤帝赤熛怒西方白帝白招拒北方黑

欽定四庫全書

天中記
卷一

二十

帝叶光紀中央黃帝含樞紐一說蒼帝名靈符赤帝名
文祖白帝名顯紀黑帝名玄矩黃帝名神斗河圖曰其
精東為蒼龍南為朱鳥中央為麟西為白虎北為玄武
木公木公亦云東王父亦云東王公亦號玉皇居雲
房之間以紫雲為蓋青雲為城仙傳拾遺昔漢初有四五小

兒路上畫地戲一兒歌曰著青麋入天門揖金母拜木

公張子房往拜之曰此東王公之玉童也所謂金母者

西王母也木公者東王公也仙人拜王公揖王母真誥老

君中經云東王父者清陽之氣也萬神之先治東方下
在蓬萊山姓無為字君解西王母者太陰之氣也姓自
然字君思下治崑崙之金城九重雲氣五色萬丈之巔
上直北斗華蓋紫房北辰之下一云東王公名倪字君
明西王母姓楊名回

朱儒問天朱儒問徑天高於脩人脩人曰不知曰子雖
不知猶近於我故凡問事必於知者

淮南
說山

天帝名歌宋賀道養工卜筮經過工歌女人病死為筮

欽定四庫全書

天中記
卷一

五

之曰此非死也天帝名之歌耳乃以土塊加其心上俄

頃而蘇

南史賀

玉帝居玉帝所居常有紅雲擁之雖真仙亦不得見其

面

翼聖
傳

東坡詩云侍臣鵠立通明殿一朵紅雲捧玉皇

玉京五星經云天上白玉京黃金闕靈樞金景內經上

界玉京注云玉京無為天也

三十六天自玄都玉京以下合有三十六天其二十八

天在三界內黃曾天玉完天何童天平育天文舉天七

曜摩夷天六天為欲界越衡天濛翳天和陽天恭華天

宗飄天黃笏天堂曜天端靖天恭慶天極瑤天元載孔

昇天皇崖天極風天孝芒天翁重浮容天江由天阮樂

天曇誓天十八天為色界霄度天元洞天翰寵妙成天

秀樂禁上天四天為無色界三界外曰四人天常融天

玉隆騰勝天梵度天平育賈奕天名為種民天亦名四

梵天四人天外曰三清境玉清太清上清亦名三天清

微天禹餘天大赤天最上大羅天合三十六天

靈寶本
元經雲

欽定四庫全書

天中記
卷一

五

箴七

大羅大羅在玄都玉京之上紫微金闕七寶臺樹麒麟

師子化生其中三世天尊治在其中元始經云大羅之

境無復貞宰惟大梵之氣包羅諸天太空之上有自然

五霞其色蒼黃號曰黃天黃天之上其色青蒼號曰蒼

天蒼天之上其色玄空城青號曰青天故頌曰三界之

上眇眇大羅上無色根雲層莪莪

九天九天上第一天名鬱單無量天第二天名上上禪

善無量壽天第三天名梵監天第四天名兜術天第五

天名不驕樂天第六天名化應聲天第七天名梵寶天

第八天名梵摩迦夷天第九天名波梨答怒天其一天

俱別置三天合三十六天

大霄琅傳

大冥大冥在九天之上蓋謂冥氣極遠絕乎九玄

大洞經

異呼匈奴呼天為祁連

漢書霍去病至祁連山師古注云魏書爾朱榮傳祁連池魏言

天西域曰提婆

高僧傳一部翻譯八部

胡元曰統格落

菽園記

三十三天須彌山半四萬二千由旬有四天王天須彌

欽定四庫全書

天中記卷一

山頂為帝釋天上一倍為夜摩天上為兜率陀天化樂

天他化自在天梵眾天梵輔天大梵天少光天無量光

天光音天少淨天無量淨天徧淨天福生天福受天廣

來天無想天無煩天無熱天善見天善現天色究竟天

無邊空處天無邊識處天無所有處天非想非非想處

天凡二十八天四天以下又有日月星宿天常憍天持

鬘天堅首天凡三十三種所謂三十三天者即帝釋天

宮也

因本經

道列三界諸天數與釋氏同但名別耳

酉陽雜俎

天翁天翁姓張名堅字刺渴漁陽人少不羈無所拘忌

常張羅得一白雀愛而養之夢天劉翁責怒每欲殺之

白雀輒以報堅堅設諸方待之終莫能害天翁遂下觀

之堅盛設賓主乃竊騎天翁車乘白龍振策登天天翁

乘餘龍追之不及堅既到玄宮易百官杜塞北門封白

雀為上卿侯改白雀之屑不產于下土劉翁失治徘徊

五岳作灾堅患之以劉翁為太山太守主生死之籍

西陽雜記

雜俎諸異記

欽定四庫全書

天中記卷一

十四

洞天六言真誥云世人不知都六天宮名者則百鬼

不敢為害洞天六宮周一萬里高二千六百里洞天六

宮是為六天鬼神之宮六天一日紂絕陰天宮二曰泰

然諒事宗天宮三曰明辰耐犯武成天宮四曰恬照罪

氣天宮五曰宗靈亡非天宮六曰敢司連宛屢天宮人

死皆至其中人欲常念六天宮名空洞之小天三陰所

治也又耐犯宮主生紂絕天主死禍福續命由恬照第

四天鬼宮北斗君所治即七辰北斗之考官也項梁城